



UNIVERSITÄTS-
BIBLIOTHEK
PADERBORN

Variorum In Europa Itinerum Deliciæ

Chyträus, Nathan

[Herborn], 1599

VD16 C 2803

Doberani.

[urn:nbn:de:hbz:466:1-70708](#)



MEGAPOLI TANA. DOBERANI.

EPITAPHIUM PRIBISLAI, PRIMI FUNDATORIS
hujus monasterii: qui fuit filius Nicoloti, Vagiorum,
Circipanorum, Polaborum, Obetritarum, Kissinorum,
Vandalorumq; Regis Illustrissimi.

PRIBISLAUS filius regis Nicoloti, primus fundator hu-
jus monasterii, inclytus ac religiosissimus, cujus re-
liquiae sunt h̄ic conditæ.

IN MEMORIAM SEMPER NAM IN-
clyto Heroi, doctissimo, optimoq; Principi & D. Dn. Ma-
gno, Duci Megapolensi, Henrici filio, & Suerinensi Ep̄
scopo, qui anno Domini m. d. l. Calend. Febr.
Butzovii pié obdormivit.

EPITAPHIUM.

Doctrina proavis, nulli virtute secundus,
 Et Magales poleos Dux tumulo hoc tegitur.
 Nomine Magnus erat, re major at ille futurus.
 Improba mors saltē si voluisse, erat.
 Acer in asserto constans & pectore verbo,
 Et vera viguit religionis apex.
 Et pudor, & probitas, & dulcis gratia morum.
 Certatim donis hunc poliere suis.
 Eloquio Nestor, felicis acumine mentis,
 Dulichio valuit non minus ille sene.
 Imperii proceres facunda munere lingue,
 Aures & mulxit Carole Dive tuae.

Judicium

*Judicium pietas, & rebus in omnibus ardens
 Virtus, & patriæ constituebat amor.
 Illius ex alto Cimborum sanguine conjunx
 Edita, Friderici filia regis erat.
 Quæ Magnum, veluti generosum Porcia Brutum
 Humectans lacrumis Elisabetha suis,
 Condidit huc vita funerum, cineriq; quotannis,
 Ut bene sit, votis officiosa rogat.
 Illius occasu quantum Meglaburgica damni
 Stirps tulit, extincti candida fama docet.
 Extremum moriens solum te, Christe, vocabat,
 Cujus in optato jam cubat ille sinu.*

Elisabetha, incliti Danorum Regis Friderici, piæ memoriæ, filia, conjugi suo dilectissimo, optimeq; merito, in spem futuræ resurrectionis, plena lacrumarum, posuit.

DE O OPT. M A X.

Illustribus Principibus Megopolitanis, quotquot hoc Templo in majorum monumentis cōditi sunt, Illustriss. Princeps Ulricus, Dei gratia, Dux Megapol. & conjunx Elisabetha, ex regia Danorum stirpe nata, Ducissa Megapolitana, Majorum suorum cum honore & pietate colendorum, memoriæ causa posuerunt, Anno instauratæ salutis C I C I O XXCIII.

*Salvete ò anima, regum generosa propago,
 Quos tulit illustris terra Oberrita Duces.
 Namq; alii ob patriam, Mavortia castra sequunt;
 Majorum similes, sustinuere mori.
 Viatores alios decus immortale tulisse,
 Testantur forti fixa trophyæ manu.
 Sunt quos grata Deo pietas, & pectore pure
 Proveniens stimulat religionis amor.
 Justitiam coluere alii, tranquillaq; pacis
 Tempora, legitimi juraq; sancta fori.
 Multi suaviloquas, studio flagrante, Camœnas,
 Doctosq; in patria constituere viros.*

Hinc gladios alii stringunt, dirosq; latrones
 Interimunt, & quos publica damna juvant.
 Quo pax alma data est, quo sunt commercia tua,
 Securum latus carpe, viator, iter.
 Hinc Solymas alii visunt, terramq; beatam,
 Et loca prodigiis, Christe, notata tuis.
 Vos patria heroas, post fata supra, sepulcris,
 Et titulis claros h&c loca sacra tenent.
 Hic tu Pribislæ, jaces temploq; quiescis,
 Condendi cuius maximus auctor eras.
 Aspice quos natos tibi postera secla tulerunt,
 Gens viden' ut circum te numerosa cubet!
 Multa hic connubio felix matrona sepulta est,
 Quarum posteritas prole beata fuit.
 Henricus jacet hic, factis qui forte Leonis
 Inter vicinos nomen & omen habet.
 Hic Alberte cubas, Sueonum qui regia quondam
 Rexisti longo tempore sceptra manu.
 Quid Magnum memorem? cuius post fata nepotes
 Aeternum meritis hoc retulere decus.
 Hic patris Alberti, postquam fatalia solvit,
 Majorum in tumulis ossa sepulta jacent.
 Filius Henrici hic Magnus, quo doctior alter
 Nec major sancta Dux pietate fuit.
 Felices animæ, vos nulla pericula vita
 Attingunt, nec mors ulla timenda manet.
 Vos pridem proprio mundatas sanguine Christus
 Fontis ad aetherii concomitatur aquas.
 Ulricus princeps, vestro de stemmate natus,
 Jam columen patriæ, & fida columna sue,
 Aemula virtutum, regalis stirpis, Elisa,
 Ulrici conjunx, nomina clara gerens,
 Majorum tumulis posuerunt, ritè precantes,
 Fac, Pater, in nato molliter ossa cubent.

Nicolao

Nicolao Marschaleo, Thurio, & litterarum & lingua-
rum omnium viro doctissimo, Jurisq; prudentia insigni-
ter claro, tanquam bene merito, Henricus Megalo-
pyrgenium Dux, gratissimus Princeps,
monument. posuit.

*Hoc Nicolai habitant Marschalcii funera saxonis,
Henricus Princeps hac monumenta dedit.
Henricus Princeps, quo non modò sanctior alter,
Et Megalopyrgos Vandalicosq; regit.
Omnia consiliis, cum multa pace, gubernans
Doctorum ut semper, sic, Nicolaë, tuis.
Hinc meritó funus tanto sepelivit honore,
Virtuti gratus inclita & officiis.
Moritur Rostochii xii. Julii,
M. D. XXV.*



SUERINI IN TEM- PLO.

DEO OPT. MAX.

Optimo Principi Henrico Magni filio, Duci Megapol.
veræ religionis, sanctæ Justitiæ, & diuturnæ pacis custodi
Joann. Albertus, Dux Megapol. patrono suo chariss.
ac bene merito, memoriæ posuit.

V. A. LXXIII. D. 5.

Obiit Suer. VIII. Id. Febr.

Anno M. D. LII.

*Henrico prognatus avo Magnoq; parente,
Hic situs Henricus condita membra tegit.
Qui bonitate sua, & meritis linguaq; senili
Nestor erat patria duxq; paterq; sua.
Nestore quin melior pietate, & pacis amore,
Nunc ergo eterne gaudia pacis habet.*

Bb